

CONVENIO Nº 3751/11 DE COLABORACIÓN ENTRE O INSTITUTO MUNICIPAL DOS DEPORTES DE VIGO E A ASOCIACIÓN SAN FRANCISCO POLA UTILIZACIÓN DA INSTALACIÓN MUNICIPAL DO PAVILLÓN DE COIA PARA O DESENVOLVEMENTO DUN PROGRAMA DE A.F. VINCULADO ÁS NECESIDADES ESPECIAIS DO COLECTIVO.

Dunha parte D. Abel Caballero Álvarez, Alcalde do Concello de Vigo e D. Jose Manuel Fernández Pérez, Presidente da Xunta Rectora do IMD de Vigo.

Doutra parte D. Eladio Fernández Pérez, DNI: 34242673C, como representante legal da Asociación Galega San Francisco (en adiante AGASFRA)

MANIFESTAN QUE


O Concello de Vigo, a través da súa Concellería de deportes e do Instituto Municipal dos Deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións ou vertentes, entre as que se atopan as do ámbito educativo e formativo, e o desenvolvemento de programas vinculados a colectivos cunhas necesidades especiais.

A Asociación AGASFRA é unha entidade declarada de utilidade pública, de carácter benéfico-social, sin ánimo de lucro, con capacidade jurídica e plena capacidade de obrar según os estatutos presentados pola entidade.

A Asociación AGASFRA ten entre os seus fins, a protección estimulativa de persoas con discapacidade psíquica, especialmente ás persoas con síndrome de Down, discapacidade sensorial ou parálisis cerebral, actuando en todos os planos para a promoción integral das mesmas, potenciando a súa normalización e integración no seu entorno familiar, social e laboral.

A Asociación AGASFRA, desenvolve a súa labor educativo-formativa nas súas instalacións, ubicadas na rúa Cangas, Nº 14. Esta asociación centro educativo-formativa non dispón do espazo suficiente, necesario e axeitado para o desenvolvemento dos programas vinculados á Actividade Física necesaria para o colectivo.

Por outra banda, a Ordenanza Nº 52, Reguladora de prezos públicos pola utilización das instalacións deportivas municipais pertencentes ó IMD, no seu artigo 6, apartado c), establece que *"as actividades deportivas organizadas polo propio IMD e pola Concellería de Deportes, ben directamente ou a través de convenios de colaboración con outras institucións ou entidades (Persoas físicas ou xurídicas) coa autorización expresa do Presidente do Consello de*



Administración do IMD condicionada á ratificación definitiva polo devandito Consello de Administración"

As actuacións de colaboración entre administracións no eido do deporte e a A.F. vinculada ó desenvolvemento de programas orientados a colectivos con determinadas necesidades especiais pode contribuir a consolidar hábitos de vida saudable, a incrementar os niveis de autonomía destas persoas, a mellorar a condición física destes colectivos da cidade e a mellorar as condicións nas que se desenvolven as actividades docentes e no ámbito deportivo.

Polo cal procédese asinar un convenio de colaboración que rexirase polas seguintes cláusulas,

CLAÚSULAS

1. Este convenio establécese como marco de entendemento e colaboración mutua que permita desenvolver o programa de Actividade física do Centro AGASFRA nas instalacións Municipais do Pavillón de Coia e Pavillón Central.
2. A Asociación AGASFRA en base ó artigo 6, letra c), da ordenanza Nº 52, Reguladora de prezos públicos pola utilización das instalacións deportivas municipais pertencentes ó IMD, estará exento de abonar o prezo público correspondente a utilización da instalación obxecto do presente convenio, e que ascende ó importe estimado de 938,55 €.
3. A Asociación AGASFRA comprométese a desenvolver o programa de A.F. nas condicións establecidas no presente convenio, na instalación deportiva municipal do pavillón de Coia nos horarios e datas establecidos no texto do convenio.
4. A Asociación AGASFRA presentará, á sinatura do convenio o programa a desenvolver en cada franxa horaria.
5. A Asociación AGASFRA é o responsable do desenvolvemento das actividades na instalación Municipal, debendo estar presente na instalación en todo momento o responsable das mesmas.
6. A Asociación AGASFRA comunicará ó IMD con antelación suficiente calquera cancelación ou alteración nos horarios das actividades.



7. O IMD non terá ningunha responsabilidade co calquera incidente que poidera resultar derivado do desenvolvemento do programa de actividade.
8. A Asociación AGASFRA presentará, previa á sinatura do convenio, unha póliza de responsabilidade que garante as coberturas suficientes ós participantes na actividade, e ós posibles danos que a actividade poidera causar no patrimonio Municipal.
9. As persoas que participen na actividade na instalación, será exclusivamente os vinculados ó programa de A.F. do centro, non estando permitido ningún outro uso que non sexa o desenvolvemento do programa de A.F obxecto do presente convenio.
10. Os e as participantes no programa accederán á instalación precedidos polo responsable da di mesmo, non estando permitido o acceso dos participantes en caso contrario. Da mesma forma, o responsable será a última persoa en abandonar a instalación, asegurándose de que ningún participante do programa queda na instalación.
11. O Instituto Municipal Dos Deportes de Vigo, aportará o espazo para o desenvolvemento das clases, non estando autorizada a utilización das duchas.
12. O IMD resérvase a posibilidade de dispoñer da instalación por cuestións de programación. Neste caso se avisará por escrito á entidade, debendo ésta cancelar a actividade na instalación Municipal.
13. A vixencia deste convenio é para as citadas actividades nos seguintes horarios para o período 2015-2016 (Do 01/10/2015 ata 31/07/2016):

Días	Horario
Martes e Venres	12,00h a 14,00h en Coia
Mercoles	12,00h a 14,00h en Pavillón Central


14. O Convenio deberá renovarse curso a curso, previa solicitude da Asociación AGASFRA nas datas establecidas na normativa do IMD.



15. O Presidente do IMD queda facultado para resolver calquera dúbida ou litixio que puidera derivarse do desenvolvemento deste convenio.

Como proba da conformidade asinan en Vigo o presente convenio por triplicado, o día 29 de Setembro de 2016.

O Alcalde de Vigo



Asdo. Abel Gabaleiro Alvarez

O Presidente de AGASFRA

Asdo. Eladio Fernández Pérez

O Presidente do IMD.

Asdo. José Manuel Fernández Pérez

A Secretaria da Xunta Rectora do IMD

P.M.

Asdo. Concepción Campos Acuña